

乙卯兩司再啓李芑事不見

丙辰兩司再啓李芑事不見○以南宮忱為弘文館直提學鄭裕為典翰鄭浚為副應教李滉為校理朴民獻為修撰柳埴為承政院注書

丁巳兩司再啓李芑事不見○日暈兩珥色內黃赤外青

己未 上親祭于 文昭殿延恩殿○兩司停論李芑事自是後

免集彈冠國家之事不忍言也

庚申夜巽方東方西方如火氣

辛酉 上御朝講○以李世璋為江原道觀察使柳潛為司憲

府執義安方慶為掌令李彦忠為弘文館修撰○日暈色內黃

外白

壬戌取文科黃瑞等三十六人武科金世功等三十人李標亦與焉

士龍圖之也初標指士龍為父執或稱受業於其門陰相交結情意互厚至於去年庭試之日士龍為試官知標之箋而擢置

於優等又取入格一道而止其餘千百入之箋豈無可觀者而皆以為劣而棄之竟將李標優等之箋與入格一道而啓之此

探之所以獨居其魁而直趨於殿試也安知士龍預出此箋之題以示於標而使之宿製耶泮宮儒生之言豈無所聞而發耶